



Politička organizacija građana NAŠA STRANKA  
Adresa: Branilaca Sarajeva 5/1  
71000 Sarajevo, Bosna i Hercegovina

## Miomirka Melank

Zastupnica Naše stranke u Skupštini Kantona Sarajevo  
Sarajevo, 19. 5. 2026.

### Dostaviti:

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
Skupština Kantona Sarajevo  
n/r predsjedavajući Skupštine Kantona Sarajevo

### Uputiti:

Ministarstvu saobraćaja KS  
Kantonalno javno komunalno preduzeće KJKP GRAS

## PREDMET: ZASTUPNIČKO PITANJE

1 Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", brojevi 25/10, 14/11, 19/11, 7/12, 26/12, 15/13, 47/13, 47/15, 48/16, 9/20 i 14/20), upućujem **PITANJA o sigurnosti i kontroli tzv. starih tramvaja koji su ponovo pušteni u promet u javnom saobraćaju Kantona Sarajevo.**

S obzirom na činjenicu da su stari tramvaji ponovo pušteni u promet, iako je iz Ministarstva saobraćaja ranije najavljeno da se neće koristiti, naročito ne prije temeljite kontrole i objave izvještaja o stanju i ispravnosti vozila, a imajući u vidu nedavnu tramvajsku nesreću koja je otvorila pitanje sigurnosti javnog prevoza, molim da Ministarstvo saobraćaja KS objasni i odgovori na pitanja:

1. Na osnovu kojih kriterija je donesena odluka o vraćanju starih tramvaja u saobraćaj?
2. Ako ne interno KJKP GRAS, koje firme vrše tehnički nadzor i provjeru ispravnosti tih vozila?
3. Kako se garantuje sigurnost putnika u kontekstu navedenih okolnosti?

Činjenica je da je za javni prevoz potreban veći broj vozila, te da nije dovoljno korištenje samo novih tramvaja. Ono što zabrinjava građane je nedostatak informacija o tome da li se i

kako se provjerava sigurnost starih tramvaja koji su ponovo pušteni u promet. Obećana je potpuna transparentnost u korištenju i provjeri starijih tramvaja i poseban oprez, nakon februarske tragedije ove godine. Stoga su građani s pravom dodatno zabrinuti za sigurnost putnika i korisnika javnog prevoza, kao i ostalih učesnika u saobraćaju. Informisanje javnosti i institucija o tome kaji koraci su preduzeti doprinosi povećanju sigurnosti i povjerenja.

S poštovanjem,

**Miomirka Melank**

